

Պրովետարներ բոլոր երկրների. միացե՛ք

ՀԿՊ ԿՆՆՏԿՈՄԻ

ՊՐՈՊԱԳԱՆԴԱՅԻ ԵՎ

ԱԳԻՏԱՅԻՆ ԲԱԺԻՆ



СЕЯЗАТЕЛЬНЫЙ
ЭКЗЕМПЛЯР

№ 14

ՀՈԿԷՐ

1955

Նյութեր զույցների համար

Բերքահավաքը համաժողովրդական գործ է . . .	1
Խ. Հովակիմյան.— Զրույց սովետական հայրենասիրության մասին	6

Առաջավորների փորձից

Սովորում ենք առաջավորներից.— Մարտունու շրջանի Վաղաշեն գյուղի կոլտնտեսության կթվորուհի, Հայկական ՍՍՌ Գերագույն Սովետի դեպուտատ Բ. Հակոբյանի պատմածը .	16
Ինչպես եմ ապահովում կոմբայնի անխափան աշխատանքը.— Շահումյանի շրջանի ՄՏ կայանի կոմբայնավար Մ. Բաղդասարյանի պատմածը	23
Խ. Մարտիրոսյան.— Արտադրության բարձրացման ուղիով	28

Միջազգային քեմաներ

Յա. Մակարենկո.— Ժողովուրդները կաշառպանեն խաղաղությունը	35
------------------------------------------------------------------	----

Խմբագրության հասցեն.— Երևան, ՀԿՊ Կենտկոմ, 11 հարկ, 60-րդ սենյակ: Հեռախոս 2—52—78:

14484.է.

ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

ԲԵՐՔԱՀԱՎԱՔԸ

ՀԱՄԱԺՈՂՈՎՐԴԱԿԱՆ ԳՈՐԾ Է

Ռեսպուբլիկայում սկսվել և բուռն թափով առաջ է գնում հացահատիկային կոպտուրաների բերքահավաքը: Դա գյուղատնտեսական աշխատանքների ամենապատասխանատու ժամանակաշրջանն է, երբ մեր կոլտնտեսականները, սովխոզների ու ՄՏ կայանների աշխատողները հավաքում են իրենց ազնիվ ու քրտնաջան աշխատանքի պտուղները: Նրանք անձնվիրաբար պայքարել են հացահատիկի արտադրությունն ավելացնելու մասին պարտիայի ու կառավարության որոշումները կենսագործելու համար, և այժմ ձեռք են բերել նշանակալից հաջողություններ: Կոլտնտեսային դաշտերում փարթամորեն աճել են հացահատիկային կոպտուրաների ցանքերը և շատ կոլտնտեսություններ արդեն հացահատիկի ռեկորդային բերք են ստացել:

Անցյալ տարիների աշխատանքի փորձը ցույց է տալիս, որ բերքահավաքը հաջողությամբ է կատարվում միայն այնտեղ, ուր համառ պայքար է տարվում կորուստների



1772-55

դեմ, որտեղ լավ նախապատրաստական աշխատանքից հետո լրիվ կարողությամբ և արդյունավետ կերպով է օգտագործվում գյուղատնտեսական տեխնիկան, որով լիովին հագեցված են մեր ՄՏ կայանները: Գյուղատնտեսության ֆրոնտի յուրաքանչյուր աշխատող անձնական փորձով համոզվել է, որ լավ բերք աճեցնելը քիչ է, հարկավոր է այն հավաքել ժամանակին և առանց կորստի: Օրինակ՝ Շահումյանի շրջանի Ն. Շենգավթի կալինինի անվան կոլտնտեսությունը անցյալ տարի ցորենի յուրաքանչյուր հեկտարից 25, իսկ այս տարի 35 ցենտներ բերք ստացավ նաև այն բանի շնորհիվ, որ բերքահավաքը կատարեց առանց ձգձգումների, 7—8 աշխատանքային օրում: Նման օրինակներ շատ կան: Կան նաև դրան հակառակ օրինակներ, երբ անցյալ տարի բերքահավաքի ձգձգման պատճառով մի շարք կոլտնտեսություններ ցածր բերք ստացան:

ՍՄԿՊ Կենտրոնական Կոմիտեի Հունվարյան պլենումում խոսելով հացահատիկի արտադրությունն ավելացնելու մասին, ընկեր Ն. Ս. Խրուշչևը նշեց, որ անհրաժեշտ է առաջին հերթին կրճատել բերքահավաքի ժամանակ հացահատիկի անթույլատրելի մեծ կորուստները: Միանգամայն անհանդուժելի է

— 2 —

այնպիսի վիճակը, — ասաց նա, — երբ բերքահավաքը ձգձգելու հետևանքով շատ կոլտնտեսություններում և սովխոզներում կորչում է աճեցրած բերքի մինչև մեկ քառորդը, իսկ որոշ դեպքերում՝ նաև ավելին:

Հացահատիկային կուլտուրաների բերքահավաքի ընթացքում կորուստների դեմ մղվող պայքարը պետք է լինի ագիտատորների ուշադրության կենտրոնում: Հարկավոր է կոլտնտեսականներին հանգամանորեն ծանոթացնել բերքահավաքի ընթացքում կորուստների դեմ մղվող պայքարի առաջավոր փորձի հետ, արմատավորել այն յուրաքանչյուր բրիգադայում և օղակում: Կորուստների դեմ մղվող պայքարը, առաջավոր փորձի պրոպագանդան ու մասսայականացումը կարելի է կատարել ամենօրյա գրույցների, գյուղատնտեսության առաջավորների, մասնագետների և կոլտնտեսականների հետ Համամիութենական գյուղատնտեսական ցուցահանդեսի մասնակիցների հանդիպումներ կազմակերպելու, ինչպես նաև պարբերաբար լույս ընծայվող դաշտային իլյիշտիկաների միջոցով: Յուրաքանչյուր կոլտնտեսական պետք է պարզորոշ իմանա, որ բերքահավաքի ձրգձգումը մեծ վնաս է պատճառում ոչ միայն կոլտնտեսությանը, այլև հենց իրեն, կոլտրն-

— 3 —

տեսականի բարեկեցութեանը: Հիշել, որ պարտիան պահանջում է բերքահավաքը կատարել ոչ ավելի, քան 10 աշխատանքային օրում:

Ժամանակին և առանց կորստի բերքահավաք կատարելու գործում միշտ էլ խոշոր դեր է խաղացել սոցմրցութիւնը:

Դեռ գյուղատնտեսական տարվա սկզբից, ագիտատորների օգնութեամբ կոլտնտեսականները ստանձնեցին լուրջ պարտավորութիւններ, ինչպես մյուս կոլտնտեսներից, այնպես էլ հացահատիկի բարձր բերք ստանալու վերաբերյալ: Այժմ կարևոր խնդիր է, որ պարտիական կազմակերպութիւնների ղեկավարութեամբ մեր ագիտատորները օգնեն կոլտնտեսականներին ստանձնած պարտավորութիւնները մինչև վերջ կատարելու համար: Հարկավոր է առանձնակի ուշադրութիւն դարձնել աշխատանքային կարգապահութեան ամրապնդման վրա: Մրցութեան արդյունքներն ամփոփելիս ստանձնած պարտավորութիւնները գերազանց կատարողներին խրախուսելու հետ միասին պարսալել նաև այն մարդկանց, որոնք օգտվելով կոլտնտեսականների արտոնութիւններից, շեն մասնակցում բերքահավաքի աշխատանքներին, զբաղվում են միայն իրենց անձնական գործերով:

— 4 —

Ժամանակին և առանց կորստի հավաքելով այս տարվա առատ բերքը, մեր կոլտնտեսութիւնները պատվով կկատարեն իրենց պարտավորութիւնները հարազատ պետութեան հանդեպ: Բացի այդ, նրանք չայն հնարավորութիւն կունենան եկող տարվա ցանքերը բարձրորակ սերմերով, իսկ անասնաբուծութեանը կոշտ և սննդատու կերերով ապահովելու համար: Այդ կամրապնդի մեր կոլտնտեսութիւնները տնտեսապես ու կազմակերպչորեն և կբարձրացնի կոլտնտեսային աշխատավորների նյութական բարեկեցութիւնը:

ԶՐՈՒՅՑ ՍՈՎԵՏԱԿԱՆ ՀԱՅՐԵՆԱՍԻՐՈՒԹՅԱՆ ՄԱՍԻՆ

Խ. ՀՈՎԱԿԻՄՅԱՆ

Հայրենասիրութիւնը՝ դա աշխատավորների սերն ու նվիրվածութիւնն է Հայրենիքին, նրա պատվի, ազատութեան և անկախութեան համար անձնուրաց պայքարի մշտական պատրաստակամութիւնը, անդուզ հոգատարութիւնը Հայրենիքի ծաղկման ու բարգաւաճման նկատմամբ: Սովետական հայրենասիրութիւնը ձևավորել, զարգացրել և ամրապնդել է Կոմունիստական պարտիան: Պրահամար էլ սովետական մարդկանց սերը Հայրենիքի նկատմամբ անբաժանելի է դեպի Կոմունիստական պարտիան տաժաժ սիրուց ու վստահութիւնից:

Սովետական հայրենասիրութիւնը որակապես նոր, բարձր տիպի հայրենասիրութիւն է: Այն ծնունդ է առել Հոկտեմբերյան ռեւոլյուցիայի հաղթանակի շնորհիւ, ամրապնդվել է մեր երկրի ներքին ու արտաքին թշնամիների դեմ մղվող պայքարում, սոցիալիզմի հաղ-

— 6 —

թանակի համար մղվող պայքարում, և ամբողջ ուժով ծաւալվել է սոցիալիզմի հաղթանակի, շահագործող դասակարգերի և մարդու կողմից մարդու շահագործման վերացման հիման վրա:

Սոցիալիզմի հաղթանակը ՍՍՌՄ-ում, արտադրութեան միջոցների սոցիալիստական սեփականութեան անբաժան տիրապետութիւնը, հանդիսանում է սովետական հայրենասիրութեան տնտեսական անխախտ հիմքը: Սովետական հասարակութեան բարոյա-քաղաքական միասնութեան ստեղծումը, բանվոր դասակարգի և գյուղացիութեան դաշինքի ամրապնդումը, ՍՍՌՄ ժողովուրդների քարեկամութեան ստեղծումն ու ամրապնդումը, սոցիալիստական դեմոկրատիայի հաղթանակը հանդիսանում են սովետական հայրենասիրութեան քաղաքական հիմքը: Սովետական հայրենասիրութեան գաղափարական հիմքը մարքսիզմ-լենինիզմի ուսմունքն է:

Սովետական հայրենասիրութիւնը համաժողովրդական է:

Ամբողջ սովետական ժողովուրդը՝ բանվորները, գյուղացիները, ինտելիգենցիան համախմբված են, ունենալով միեւնոյն շահերն ու նպատակները, միահամուռ կերպով շահագործված են ժողովրդական տնտեսութեան,

— 7 —

գիտութեան և կուլտուրայի զարգացման գործով, որովհետև նրանք դրա մեջ տեսնում են իրենց Հայրենիքի ծաղկման ու բարգաւաճման, նրա հզորութեան հետագա ամրապնդման, իրենց նյութական բարեկեցութեան և կուլտուրական մակարդակի բարձրացման աղբյուրը՝ կոմունիզմի հաղթանակի երաշխիքը:

Սովետական հայրենասիրութեան հիմքում ընկած է ՍՍՌՄ ժողովուրդների բարեկամութիւնը: Հայրենասիրութիւնը մեր երկրի ժողովուրդների ինտերնացիոնալ եղբայրութեան զգացմունքն է, նրանց ընդհանուր հոգատարութիւնը ՍՍՌՄ բարօրութեան մասին: Սովետական յուրաքանչյուր ժողովրդի պատաստանկամութիւնն է պաշտպանել սովետական մշտա ժողովուրդների շահերը, որպէս իր սեփականը: Սովետական հայրենասիրութեան ուժն այն է, որ նրա հիմքում ընկած են ոչ թե ազգային կամ նացիոնալիստական նախապաշարմունքները, այլ խորին նվիրվածութիւնը և հավատարմութիւնը իր Հայրենիքին:

Սովետական մարդիկ լավ են հասկանում, որ մեր երկրի տնտեսական, քաղաքական և ռազմական հզորութեան աճը ապահովում է յուրաքանչյուր մարդի և ռեսպուբլիկայի ա-

— 8 —

զատ զարգացումը, որ կոմունիզմի կառուցումը հնարավոր է ՍՍՌՄ բոլոր ժողովուրդների միասնական ջանքերով, եղբայրական համագործակցութեան հիման վրա:

Այսպիսով, սովետական հայրենասիրութիւնը մեր երկրի ժողովուրդներին չի անջատում, այլ համախմբում է միասնական եղբայրական ընտանիքում, ներդաշնակորեն զուգակցում է ժողովուրդների ազգային տրադիցիաները և ՍՍՌՄ բոլոր աշխատավորների ընդհանուր, կենսական շահերը:

Սովետական հայրենասիրութեանը խորթ են ազգային թշնամութիւնը և անվատահոլութիւնը, ատելութիւնն ու արհամարանքը մյուս երկրների ժողովուրդների նկատմամբ: Սովետական հայրենասիրութիւնը անխզելիորեն կապված է պրոլետարական ինտերնացիոնալիզմի հետ: Մեր մարդկանց սերը Հայրենիքի նկատմամբ զուգակցվում է բոլոր երկրների ժողովուրդների նկատմամբ ունեցած խոր հարգանքի հետ: Սովետական ժողովուրդը հարգում է մյուս ժողովուրդների սովերենութիւնը և անկախութիւնը, միշտ հանդես է գալիս որպէս ճշմարիտ ժողովուրդների պաշտպան, համակրում և բարոյական աջակցութիւն է ցույց տալիս նրանց՝ իրենց ազատու-

— 9 —

թյան և անկախութեան համար մղվող պայ-
քարում:

Սովետական Միութեան եղբայրական ու
անշահախնդիր օգնութեան շնորհիվ հաջողու-
թյամբ իրականացվում է սոցիալիզմի կառու-
ցումը ժողովրդական դեմոկրատիայի երկըր-
ներում: Սովետական Միութեունը ղեկավա-
րում է խաղաղութեան, դեմոկրատիայի ու սո-
ցիալիզմի համաշխարհային լագերը, հետևո-
ղականորեն և հաստատակամորեն վարում է
միջազգային խաղաղութեան ամրապնդման և
ժողովուրդների անվտանգութեան ապահով-
ման քաղաքականութիւն, որի համար էլ վա-
յելում է ամբողջ աշխարհի պրոգրեսիվ մարդ-
կութեան ջերմ սերն ու համակրանքը:

Սովետական մարդկանց հայրենասիրու-
թեւնը բնութագրող մոմենտներից մեկն էլ
հանդիսանում է սովետական մարդկանց ազ-
գային հպարտութեւնը: Այդ հպարտութեան
հիմքում ընկած է մեր գործի համաշխարհա-
յին-պատմական նշանակութեան գիտակցու-
թեւնը: Հոկտեմբերյան Սոցիալիստական ուե-
վոյնուցիան իրականացրեց արմատական շր-
ջադարձ մարդկութեան պատմութեան մեջ՝
հին կապիտալիստական կարգից դեպի նոր,
սոցիալիստական կարգը: Մեր երկրի ժողո-
վուրդները առաջինը տապալեցին կալվածա-

— 10 —

տերերի ու կապիտալիստների իշխանութեւնը
և հաստատեցին Սովետական իշխանութեւնը:
Սովետական մարդիկ առաջինը կառուցեցին
սոցիալիզմ, ամրապնդեցին սովետական Հա-
յրենիքը: Մեր ժողովուրդը երկրորդ համաշ-
խարհային պատերազմում իր ուսերի վրա
կրելով պատերազմի ամբողջ ծանրութեւնը՝
ամբողջ աշխարհի քաղաքակրթութեւնը փր-
կեց ֆաշիստական ստրկացման սպառնալի-
քից: Այժմ սովետական ժողովուրդը ղեկա-
վարում է խաղաղութեան հզոր լագերը, ըն-
թանում է սոցիալիզմի, դեմոկրատիայի, խա-
ղաղութեան համար մղվող պայքարի ավան-
գարդում: Մենք հպարտանում ենք նրանով,
որ մեր երկիրը հանդիսանում է լենինիզմի
Հայրենիքը, որ մենք կառուցում ենք կոմու-
նիզմ և դրանով ամբողջ աշխարհի աշխատա-
վորութեանը ցույց ենք տալիս լավագույն
կյանքի միակ ճշմարիտ ուղին:

Սովետական հայրենասիրութեան ուժը
հանդես է գալիս սովետական մարդկանց քա-
ղաքական բարձր գիտակցականութեան մեջ:
Նրա հիմքում ընկած է կոմունիզմի գաղա-
փարը, մեր Հայրենիքի ծաղկման ու բարգա-
վաճման, նրա հետագա հզորացման անհրա-
ժեշտութեան գիտակցումը:

Սովետական մարդը սիրում է իր Հայրենի-

քը, որովհետեւ նա այդ Հայրենիքը նվաճել և պաշտպանել է ռևոլյուցիոն մարտերում, արտաքին և ներքին թշնամիների դեմ մղվող պայքարում, այն վերակառուցել է իր պլանով, դարձրել է այնպիսին, ինչպիսին ինքը ցանկացել է:

Սովետական հայրենասիրության հզոր և անհաղթահարելի ուժը առանձնապես վառ կերպով դրսևորվեց և լիովին հանդես եկավ Հայրենական Մեծ պատերազմի տարիներին: Այդ պատերազմում սովետական ժողովուրդը, նրա պանծալի Բանակը՝ Կոմունիստական պարտիայի ղեկավարությամբ պաշտպանեցին մեր Հայրենիքի ազատությունը, պատիվն ու անկախությունը և ջախջախեցին գերմանա-ֆաշիստական զավթիչներին: Պատերազմի տարիներին ցուցաբերած հերոսական սխրագործությունների համար միլիոնավոր սովետական հայրենասերներ պարգևատրվել են շքանշաններով ու մեդալներով, 11.420 հոգի արժանացել են Սովետական Միության Հերոսի բարձր կոչման:

Մեր ժողովրդի հիշողության մեջ միշտ վառ կմնան Ն. Գաստելոյի, Ալ. Մատրոսովի, Զ. Կոսմոդեմյանսկայայի, Յու. Սմիրնովի, գվարդիական-պանֆիլովականների, Կրասնոդոնի երիտասարդ գվարդիականների և Հայ-

— 12 —

րենիքի հազարավոր փառապանծ զավակների հերոսական, անմահ անունները:

Հայրենիքի նկատմամբ տաժաժ անսահման սերն ու նվիրվածությունը, սովետական ժողովրդի համախմբվածությունը պարտիայի ու կառավարության շուրջը, ռազմաճակատում և թիկունքում ցուցաբերած մարտական և աշխատանքային սխրագործությունները սովետական բոցավառ հայրենասիրության ամենավառ արտահայտությունն են:

Հետպատերազմյան տարիներին, տոգորված սովետական հայրենասիրությամբ, մեր ժողովուրդը Կոմունիստական պարտիայի ղեկավարությամբ մեծ հաջողությունների է հասել ժողովրդական տնտեսության, գիտության և կուլտուրայի զարգացման բնագավառում:

Հինգերորդ հնգամյա պլանը արդյունաբերական արտադրության ընդհանուր ծավալի գծով կատարվեց 4 տարի 4 ամսում:

Դա սովետական ժողովրդի մեծագույն ավանդն է մեր Հայրենիքի հզորության հետագա ամրապնդման, մեր երկրում կոմունիզմի կառուցման գործում:

Սովետական ժողովուրդը Կոմունիստական պարտիայի ղեկավարությամբ պայքարում է արդյունաբերության հետագա վերելքի, տեխնիկական պրոգրեսի, արտադրության կազ-

մակերպումը բարեկամելու, գյուղատնտեսութ-
յան շեշտակի վերելքի ապահովման, ժողո-
վրդական սպառման ապրանքների արտա-
դրության ավելացման, պարտիայի ու կա-
ռավարության բոլոր մեջոցառումները կեն-
սագործելու համար:

Սովետական հայրենասիրությունը հան-
դես է գալիս համաժողովրդական սոցիալիս-
տական մրցության մեջ, ժողովրդատնտեսա-
կան պլանների կատարման ու գերակատար-
ման, աշխատանքի արտադրողականության
բարձրացման, արտադրանքի որակի բարե-
լավման, խոսպան և խամ հողերի յուրացման,
կոլտնտեսությունները մասնագետներով և
ղեկավար կադրերով ամրապնդելու համար
մղվող ժողովրդական պայքարում:

Այսպիսով սովետական մարդկանց սերը
Հայրենիքի նկատմամբ ակտիվ գործունեու-
թյան սեր է, այն դրսևորվում է նրանց ամե-
նօրյա աշխատանքում, կոնկրետ գործերում,
աշխատավորների ստեղծագործական նա-
խաձեռնության, աշխատանքային սխրագոր-
ծությունների մեջ՝ կոմունիզմի համար մղվող
պայքարում:

Աշխատավորներին դաստիարակելով աշ-
խատանքի և սոցիալիստական սեփականու-
թյան նկատմամբ կոմունիստական վերաբեր-

մունքի, Հայրենիքի առջև իր պարտքի և անձ-
նական պատասխանատվության գիտակցու-
թյան, պրոլետարական ինտերնացիոնալիզմի
և ժողովուրդների բարեկամության ոգով,
պարտիան և կառավարությունը է՛լ ավելի են
ամրապնդում սովետական հասարակության
բարոյա-քաղաքական անխախտ միասնու-
թյունը, մեր մեծ Հայրենիքի տնտեսական ու
ռազմական հզորությունը, սոցիալիզմի, դե-
մոկրատիայի և խաղաղության գործն ամ-
բողջ աշխարհում:

ՍՈՎՈՐՈՒՄ ԵՆՔ ԱՌԱՋԱՎՈՐՆԵՐԻՑ

Մարտունու շրջանի վաղաշեն գյուղի
կոլտնտեսության կրկնումի, Հայկական
ՍՍՌ Գերագույն Սովետի դեպուտատ
Բ. ՀԱԿՈԲՅԱՆԻ պատմածը

Տարիներ առաջ մեր կոլտնտեսության զոո-
տեխնիկը մեզ բացատրում էր, որ լիարժեք
կերի դեպքում կովերի կաթնատվությունը
սովորականից ավելանում է 25—35 տոկո-
սով, իսկ խնամքը լավ կազմակերպելու
դեպքում՝ 10—15 տոկոսով: Մեզ համար
սկզբում դա քիչ հավատարի էր: Բայց առա-
ջավորների և հատկապես գյուղատնտեսա-
կան ցուցահանդեսի մասնակիցների հա-
րուստ փորձը մեզ համոզեց, որ իրոք, լավ
խնամելու և կերակրելու դեպքում, կովից կա-
րելի է կրկնակի ու նույնիսկ եռակի անգամ
շատ կաթ ստանալ: Այդ է պատճառը, որ
այժմ մեր կոլտնտեսության անասնապահ-

— 16 —

ները ջանք չեն խնայում կովերի խնամքն ու
կերակրումը բարելավելու համար:

Զոոխմբակի եռամյա դասընթացներում
մենք ուսումնասիրեցինք երկրի շատ առա-
ջավորների փորձը: Այնտեղ մենք ուսումնա-
սիրեցինք նաև ռեսպուբլիկայի Ստեփանա-
վանի, Շահումյանի շրջանների առաջավոր
կոլտնտեսությունների նվաճումները, եղանք
մեր հարևան «Ագրիջայի» սովխոզում, տե-
սանք տարեկան 3.000—4.000 լիտր կաթ
տվող կովերը, ծանոթացանք նրանց խնա-
մողների փորձին և սկսեցինք առաջավոր
փորձն արմատավորել մեզ մոտ:

Առաջավորների օրինակով ես սկսեցի հա-
սուկ ուշադրություն դարձնել կովերի կերա-
կրման վրա, անհատական մոտեցում ունե-
նալ ամեն մի կովի նկատմամբ: Օրինակ՝
«Սեյրան» և «Մաքան» կովերը սկզբում այն-
քան կեր էին ստանում, որքան մյուս կովերը,
չնայած նրանք շատ կաթ էին տալիս: Սկսե-
ցի նրանց բաժին կերն ավելացնել: Արդյուն-
քը եղավ այն, որ նշված կովերի կաթնա-
տվությունը օրական հասավ 25—26 լիտրի:

Սակայն «Սեյրանն» ու «Մաքանն» արդեն
ծերացել էին և շուտով շարքից դուրս եկան:
Բայց նրանց փոխարինեցին իրենց աղջիկ-
ները՝ «Քիրարն» ու «Զվարթը»: Նրանց մենք

— 17 —

1772-55



աճեցրել էինք խնամքով, լավ կերակրել ու պահել, որի շնորհիվ դարձան մեր ֆերմայի պարծանքը: 10 ամիս շարունակ «Քիբարը» օրական տալիս էր 20—30 լիտր կաթ, իսկ «Զվարթը»՝ 26—28 լիտր կաթ:

Իհարկե, երկու ռեկորդսմեն կով ունենալով ես չէի կարող կատարել 9 կովի կաթնատվության առաջադրանքը, եթե ընդհանրապես չբարձրացնեի բոլոր կովերի կաթնատվությունը: Ուստի, սկսեցի ճշտորեն կիրառել կովերի խնամքի ու կերակրման ռեժիմը, ինչպես ձմռան մսուրային, այնպես էլ ամռան արոտի շրջանում: Դրա շնորհիվ զգալիորեն ավելացավ իմ խնամած կովերի կաթն ընդհանրապես:

Վերցնենք թեկուզ այս տարվա ձմռան մսուրային շրջանում կատարված աշխատանքն ու ստացված արդյունքը: Մսուրային շրջանում ես կովերը կթել եմ օրական 3 անգամ՝ առավոտյան ժամը 6-ին, ցերեկը՝ 1-ին և երեկոյան՝ 8-ին: Միջին հաշվով ամեն մի կովի օրական տվել եմ 6 կգ. լավորակ խոտ, դարման, 20—30 կգ. սիլոս, կթվողներին՝ 1 և հղիններին՝ 0,5 կգ. խտացրած կեր: Բարձրակիթ, ծանր քաշ ունեցող կովերը, մյուսների համեմատությամբ, 30—50 տոկոսով ավելի կեր են ստացել: Կովերին օրա-

— 18 —

կան երկու անգամ մաքրել եմ (առավոտյան կթից առաջ և կեսօրվա կթից առաջ), երկու անգամ ջրել, մեկ անգամ զրոսանքի հանել:

Կովերի խնամքը միշտ էլ կատարում եմ նույն ժամին, կայուն ռեժիմով և դա նպաստում է կովերի գիրության պահպանմանն ու կաթնատվության բարձրացմանը:

Բնականաբար, անասունների նկատմամբ կիրառվող խնամքն ու ռեժիմը կարևոր նշանակություն ունեն: Բայց դրանք ցանկալի արդյունք չեն տա, եթե ֆերման շունենա կերերի լավ պաշար: Այդպիսի պաշար մեր կոտնտեսությունն անցյալ տարի ուներ, որի շնորհիվ ձմռան մսուրային շրջանում ֆերման յուրաքանչյուր կովից ստացավ 581 կգ. կաթ: Ութ ամսվա ընթացքում իմ խնամած 9 կովի միջին կաթնատվությունը կազմեց 974 կգ.: Այսպիսի արդյունքով մեր ֆերման սկսեց անասունների պահվածքի արոտային շրջանը:

Մենք անհրաժեշտ գտանք վերանայել մեր պարտավորությունը և որոշեցինք յուրաքանչյուր ֆուրաժային կովից 1.700-ի փոխարեն ստանալ 1.900—2.000 կգ. կաթ: Ես և մի շարք այլ կթվորուհիներ պարտավորվեցինք ֆուրաժային կովի կաթնատվությունը հասցնել 2.200 կգ.-ի:

Այս պարտավորութեան կատարումը դարձել է մեր ֆերմայի աշխատողների պատմի գործը:

Այժմ մեզ մոտ տարվա ամենալավ շրջանն է: «Ագրիչայի» ալպյան արոտավայրերը ծածկված են հարուստ բուսականութեամբ: Մատղաշները և կովերը վատ եղանակներին գիշերը պահվում են տիպային շենքերում:

Սակայն, նույնիսկ շատ լավ պայմանները քիչ արդյունք կտան, եթե դրանք վատ օգտագործվեն: Ահա թե ինչու մենք բոլոր միջոցները ձեռք ենք առնում մեր հնարավորություններն արդյունավետ օգտագործելու համար:

Մեր արոտավայրերը բաժանված են հատվածների և օգտագործվում են հերթափոխութեամբ: Առաջ, սեզոնի սկզբում, կովերը առավոտյան և երեկոյան կթվում էին ֆերմայում, իսկ կեսօրին՝ արոտավայրում: Ֆերմայի ու արոտավայրի հեռավորությունը 7—8 կիլոմետրի է հասնում: Այդքան ճանապարհը անդրադառնում էր կաթնատվութեան վրա: Մենք որոշեցինք օրվա երեք կիթն էլ կատարել արոտում և դա անասուններին ազատեց երկար ճանապարհ կտրելուց: Արոտում, կովերի կաթնատվութեան գործում, վճռական նշանակություն ունի ջուրը: Դրա-

— 20 —

նում մենք համոզվեցինք, որ անձրևների պատճառով մի քանի օր (հունիսի սկզբներին) կովերը հեռու չտարանք ու պահեցինք դետի ամբերին: Այդ օրերին ընդհանուր կաթը 100—150 կիլոգրամով ավելացավ: Ուստի, մենք՝ կթորուհիներս ու անասնապահները, հարց դրեցինք կոլտնտեսութեան վարչութեան առաջ՝ պայմաններ ստեղծել կովերին առատ ու լավորակ ջրով ապահովելու համար: Մեր խնդիրը կատարվեց և կովերի կաթնատվությունը բարձրացավ:

Արոտային շրջանում շատ կարևոր է անասունների արածեցման ճիշտ կազմակերպումը: Այդ գործը անթերի են կատարում մեր փորձված անասնապահներ Հով. Գալստյանը, Վ. Ներսիսյանը, Ս. Հարությունյանը և մյուսները: Նրանք աշխատում են հերթով: Դա հնարավորություն է տալիս կովերին գիշեր-ցերեկ արածեցնել, որը նպաստում է կաթնատվութեան բարձրացմանը:

Արոտային շրջանը լավ կազմակերպելով, մեր կոլտնտեսությունը մայիս ամսին ֆորաժային կովից ստացավ 375 կգ., հունիսին՝ 400 կգ. կաթ: Ես մայիսին ամեն մի կովից ստացել եմ 382 կգ., իսկ հունիսին՝ 450 կգ. կաթ:

Մեզ մնում է երկու ամիս մինչև տնտեսա-

կան տարվա վերջը: Սովորաբար այդ ամիսներին արոտավայրերում բուսականությունը չորանում է, պակասում: Այդ բանը հաշվի առնելով, մենք պատրաստել ենք անհրաժեշտ քանակությամբ սիլոս և որոշել ենք բոլոր միջոցներն օգտագործել՝ մինչև հոկտեմբերի 1-ը կովերի կաթնատվությունը 2.000 կգ.-ի հասցնելու համար:

Իմ խնամած ամեն մի ֆուրաժային կովից տաս ամսում ստացվել է 1.800 կգ. կաթ, դա հաստատուն հիմք է ստեղծել պատվով կատարելու ստանձնած պարտավորություններս՝ կովերի միջին կաթնատվությունը հասցնելու 2.200 կիլոգրամի:

ԻՆՉՊԵՍ ԵՄ ԱՊԵՀՈՎՈՒՄ ԿՈՄԲԵՅՆԻ ԱՆԽՖԱՆ ԱՇԽԱՏԱՆՔԸ

Շահումյանի շրջանի ՄՏ կայանի
կոմբայնավար Մ. ԲԱՂԴԱՍՍԱՐՅԱՆԻ
պատմածը

Հացահատիկային կուլտուրաների բերքահավաքի այս եռուն օրերին մեր՝ մեխանիզատորներիս՝ առջև դրված է լուրջ և պատասխանատու խնդիր՝ բերքը հավաքել ժամանակին և առանց կորստի:

Հարազատ պարտիայի և Սովետական կառավարության կողմից առաջադրած այդ խնդիրը պատվով կատարելու համար մեզանից պահանջվում է դաշտ դուրս բերել բարձր որակով վերանորոգման ենթարկված մեքենաներ, բարելավել նրանց տեխնիկական խնամքը, կանխել խափանումներն ու բարձրացնել մեքենաների արտադրողականությունը:

Ու, որպես «Ս—4» ինքնագնաց կոմբայնի

կոմբայնավար, ամեն ինչ արել եմ գյուղատնտեսական կոպտութեան արդի տարվա բերքը անկուրստ և սեղմ ժամկետում հավաքելու համար: Անցյալ տարվա 333 հեկտարի դիմաց այս տարի ես պարտավորութիւն եմ ստանձնել հավաքել 600 հեկտար հացահատիկի բերք: Ստանձնած պարտավորութեանս զգալի մասը արդեն կատարել եմ:

Իմ կոմբայնը գտնվում է միանգամայն պատրաստ վիճակում: Այդ մասին է վկայում նաև այն փաստը, որ հնձի այս եռուն օրերին, չնայած ինձ ամրացված հողամասի քարքարոտութեանը, ես 8 հեկտարի փոխարեն օրական հնձում եմ 11—12 հեկտար տարածութիւն և յուրաքանչյուր հեկտարից կոլտնտեսութեան պահեստ հանձնում 25—30 ցենտներ մաքուր ցորեն: Բացի այդ, անցյալ տարվա աշխատանքի նեփական փորձով համոզվեցի, որ կալսելու ընթացքում իմ ինքնագնաց կոմբայնի մաղարկղից տեղի էր ունենում հատիկի զգալի կորուստ: Այդ կորուստը կանխելու նպատակով այս տարի մաղարկղի որոշ մասերի վրա ստեղծել եմ լրացուցիչ հարմարանքներ: Այդ հարմարանքների շնորհիվ իսպառ վերացվել է մաղի չափից դուրս ծանրաբեռնվածութիւնը: Եթե առաջներում այդ ծանրաբեռնվածու-

— 24 —

թեան հետևանքով հատիկի որոշ մասը խառնրվում էր ծղնոտին, ապա այժմ իմ ստեղծած հարմարանքը հնարավորութիւն է տալիս կանխել հատիկի կորուստը: Այդ նույն նպատակով կոմբայնի կալսող թմբուկի տակ ավելացրել եմ հատիկ որսացող թիթեղյա մի այլ հարմարանք:

Հաշվի առնելով այն հանգամանքը, որ իմ կողմից սպասարկվող Սպանդարյանի կոլտնտեսութեան դաշտերը չափազանց քարքարոտ են, որի հետևանքով հնձող ապարատը կարճ ժամանակից հետո կարող է շարքից դուրս գալ, ես հնձող ապարատի ներքևի մասը պատել եմ 5 միլիմետր հաստութիւն ունեցող թիթեղով և ապարատը լիովին ապահովել հնարավոր վնասվածքներից: Հնձի, ապարատները քարքարոտ պայմաններում է՛լ, ավելի ապահով դարձնելու նպատակով, թիթեղապատումից բացի, նրանց տակ ամրացրել եմ անկյունաձև քանոններ: Բացի վերոհիշյալ միջոցառումներից, ատամնանիվների որոշ կետերում ավելացրել եմ ուղղապահ գլանիկներ, որի շնորհիվ առաջվա հինգ ատամի փոխարեն շղթան աւժմ ընդգրկում է 11 ատամ, որո լավի սահուն է դարձնում մեքենայի աշխատանքը:

— 25 —

կանխում ավելորդ ցնցումներն ու խափա-
նումները:

Կոմբայնի վրա կատարած նորարարական
իմ առաջարկությունները մեծ հետաքրքրու-
թյուն են առաջացրել նաև մեր ՄՏ կայանի
մյուս կոմբայնավարների շրջանում: Նրան-
ցից շատերը, հետևելով իմ օրինակին, իրենց
խնամքին հանձնված կոմբայնների վրա
նույնպես ստեղծել են օժանդակ հարմա-
րանքներ: Այսպես, օրինակ, երբ Սպանդար-
յանի կոլտնտեսությունում կոմբայնային
աշխատանքներն ավարտվեցին, ՄՏ կայանի
դիրեկցիայի կարգադրությամբ ինձ իմ կոմ-
բայնով տեղափոխեցին Նոր Կյանք գյուղի
Մայիսի մեկի անվան կոլտնտեսության դաշ-
տերն: Հնձելու: Տեղափոխման հիմնական
պատճառն այն էր, որ ինձանից առաջ ՄՏ
կայանի կողմից այդ կոլտնտեսությունն ու-
ղարկված նույն «Ս—4» մարկայի կոմբայնը
անհաջող աշխատելու հետևանքով թերակա-
տարել էր օրվա առաջադրանքները, վտանգի
տակ դնելով բերքը առանց կորստի հավա-
քելու մասին ՄՏ կայանի ստանձնած պար-
տավորության կատարումը:

Տեղում, մոտիկից ծանոթանալով կոմբայ-
նավար Ռ. Սարգսյանի կոմբայնին, ես պար-
զեցի նրա անարդյունավետ աշխատելու

— 26 —

պատճառները: Ամենագլխավոր թերությունը
հանդիսանում էր կալսիչ ապարատի անկա-
նոն աշխատանքը, որի հետևանքով տեղի էր
ունենում հատիկի զգալի կորուստ, այսինքն՝
այն նույն երևույթը, որը դեռ անցյալ տարի
նկատվում էր նաև իմ կոմբայնի կալսիչ ա-
պարատի մոտ:

Առանց ժամանակ կորցնելու, մեկ—երկու
օրվա ընթացքում իմ, կոմբայնավար Ա. Սար-
գսյանի և ՄՏ կայանի գլխավոր ինժեներ
Ժ. Աղաջանյանի մասնակցությամբ կալսիչ
ապարատը արագ վերանորոգվեց և այդ կոմ-
բայնն սկսեց իր նորմալ աշխատանքը: Դը-
րական փորձի արժատավորման նման օրի-
նակներ կան նաև մեր մյուս կոմբայնավար-
ների մոտ, որը նրանց հնարավորություն է
տալիս, սահմանված 8 հեկտարի դիմաց,
օրական կատարել 10—12 հեկտարի հունձ:

Ինչպես ես, նույնպես և իմ կոմբայնավար
ընկերներից յուրաքանչյուրը, մտնելով բեր-
քահավաքը բարձր որակով և ամենասեղմ
ժամկետում ավարտելու համար ծավալված
սոցիալիստական մրցության մեջ, պարտա-
վորություն է ստանձնել այս սեզոնում պլա-
նային 180 հեկտարի դիմաց կատարել 500—
600 հեկտարի հունձ: Եվ մենք պատվով կկա-
տարենք մեր խոստումը:

ԱՐՏԱԴՐՈՒԹՅԱՆ ԲԱՐՁՐԱՑՄԱՆ ՈՒՂԻՈՎ

Խ. ՄԱՐՏԻՐՈՍՅԱՆ

Երևանի Պահածոների գործարանի
աշխատանքի և աշխատավարձի
բաժնի վարիչ

Կոմունիզմ կառուցող սովետական մարդկանց հսկայական ստեղծագործական աշխատանքի մեջ մարմնավորվում է Կոմունիստական պարտիայի ստեղծող, մեր մեծ առաջնորդ Վ. Ի. Լենինի պատմական ցուցումը այն մասին, որ արտադրողականության բարձրացումը վերջին հաշվով ամենակարևորը, ամենագլխավորն է նոր հասարակարգի հաղթանակի համար:

Աշխատանքի արտադրողականության սիստեմատիկ բարձրացումը հանդիսանում է սոցիալիստական արտադրության աճի կարևորագույն պայմանը, որը միաժամանակ նպաստում է սովետական ժողովրդի առավելագույն պահանջմունքների բավարարման գործին: Ահա՛ թե ինչու Կոմունիստական պարտիան արդյունաբերության աշ-

— 28 —

խատողների ուշադրությունը միշտ բեռում է այդ հիմնական ցուցանիշի անընդհատ բարձրացման վրա: ՍՍՌՄ զարգացման հնգամյա պլանով նախատեսված է 1951—1955 թվականներին աշխատանքի արտադրողականությունն արդյունաբերության մեջ բարձրացնել 50 տոկոսով: Հայտնի է, որ աշխատանքի արտադրողականության բարձրացման, ինչպես նաև տեխնիկա-տնտեսական մյուս ցուցանիշների կատարման հիմնական երաշխիքը հանդիսանում է արտադրության մեջ գիտության և տեխնիկայի նվաճումների ու առաջավոր փորձի արմատավորումը, արտադրական պրոցեսների կոմպլեքսային մեքենայացումն ու ավտոմատացումը և տեխնոլոգիական պրոցեսների սիստեմատիկ կատարելագործումը:

Հնգամյակի տարիներին Երևանի Պահածոների գործարանում զգալի աշխատանք է կատարվել առաջնակարգ տեխնիկայի կիրառման, աշխատատար շատ պրոցեսների մեքենայացման ուղղությամբ: Այդ տարիների ընթացքում գործարանի բաժանմունքներում տեղադրվել են մի շարք նոր մեքենաներ ու սարքավորումներ, կատարելագործվել են աշխատատար շատ պրոցեսներ: Այդ միջոցառումները հնարավորություն են

— 29 —

տվել զգալի չափով ավելացնել թողարկվող արտադրանքի քանակը: Գործարանի կոլեկտիվը 1954 թվականին երկրի բնակչությանը տվեց մոտ 6 միլիոն 200 հազար տուփ ավելի պահածոներ, քան 1950 թվականին, իսկ այս տարի երկրին կտա 28 միլիոն 700 հազար պայմանական տուփ մրգի և բանջարեղենի պահածո, որը 1950 թվականի պլանային մակարդակը կգերազանցի 59 տոկոսով: Այդ նշանակում է, որ յուրաքանչյուր բանվոր ընթացիկ տարում, 1950 թվականի համեմատությամբ, մոտ 37 հազար ռուբլու ավելի արտադրանք կտա:

1955 թվականի արտադրական պլանը տնտեսական բոլոր ցուցանիշներով ժամկետից շուտ կատարելու համար գործարանի ինժեներատեխնիկական աշխատողների, արտադրության առաջավոր բանվորների ակտիվ մասնակցությամբ մշակվեցին տեխնիկական-կազմակերպչական մի շարք միջոցառումներ՝ արտադրության «նեղ» տեղերը վերացնելու, արտադրական տարածություններից և սարքավորման յուրաքանչյուր միավորից ավելի շատ արտադրանք ստանալու համար: Այսպես, օրինակ՝ բանջարեղենի ցեխը լրիվ չափով մեքենայացվեց, ո-

— 30 —

րի շնորհիվ խնայվեց բանվորական ուժը՝ 10—15 տոկոսով, իսկ աշխատանքի արտադրողականությունը բարձրացավ մինչև 20 տոկոսով:

Ընթացիկ տարում մրգի ցեխում տեղադրվեցին չժանգոտվող պողպատից պատրաստված 200 լիտր տարողությամբ եփման 3 կաթսաներ, որոնք հնարավորություն կտան ջեմի արտադրությունն ավելացնելու 300 հազար տուփով:

Տեխնիկական մի շարք միջոցառումներ են կենսագործված նաև տոմատի ցեխում: Այս տարի հումքը նախնական մշակման բաժնից կփոխադրվի հիդրավլիկ տրանսպորտյորների միջոցով: Այդ միջոցառումը կթեթևացնի բանվորների աշխատանքը և զգալի չափով կբարելավի թողարկվող արտադրանքի որակը:

Վերադասավորված են հումքի նախնական մշակման բաժնի սարքավորումները և դրված է տոմատի մշակման նոր ագրեգատ: Այդ ցեխում անցկացվող միջոցառումները թույլ կտան հերթափոխում մշակել մոտ 30 տոկոսով ավելի տոմատ, քան անցյալ տարի: Եղած արտադրական տարածությունից ավելի շատ արտադրանք ստանալու համար տոմատի ցեխում տեղադրվե-

ցին լրացուցիչ սարքավորումներ, որով հնարավոր եղավ այս տարի ցեխում մշակման ենթարկել 500 տոննա ծիրան և պլանից դուրս բնակչությանը տալ մեկ միլիոն տուփ հյութ և ջեմ:

Կազմակերպչական տեխնիկական միջոցառումներին զուգընթաց զգալի աշխատանք կատարվեց նաև կադրերի որակավորման գծով: Կազմակերպված կարճատև դասընթացների միջոցով այս տարի որակավորվեցին մոտ 200 հոգի:

Աշխատանքի ճիշտ նորմավորումը աշխատանքի արտադրողականության բարձրացման կարևոր պայմաններից է: Մինչև արտադրական սեզոնի սկսվելը մեզ մոտ վերանայվեցին նորմաները և արմատավորվեցին նոր պրոգրեսիվ նորմաներ, որոնք նպաստում են արտադրանքի թողարկման ավելացմանը և ապահովում բարձր աշխատավարձ բանվորների համար: Աշխատանքի արտադրողականության բարձրացման, թողարկվող արտադրանքի որակի բարելավման գործին խոշոր չափով նպաստում են արտադրության առաջավորների փորձի ուսումնասիրումը և նրանց կողմից արված ռացիոնալիզատորական առաջարկությունների արմատավորումն արտադրության մեջ:

— 32 —

Գործարանի աշխատողների կողմից արված բազմաթիվ ռացիոնալիզատորական առաջարկությունները արմատավորելով արտադրության մեջ, մեծ չափերով կրճատվեց խոտան արտադրանքը: Օրինակ՝ մրգի ցեխի փականագործ կոմունիստ Գևորգ Հակոբյանի առաջարկությամբ տուփերի կափարիչներ փակցնող մեքենայի վրա հարմարեցնելով հատուկ սարքավորում, գործարանում խոտան արտադրանքը 10 տոկոսով իջավ, որն իր հերթին հնարավորություն տվեց զգալի չափով բարձրացնել նաև մեքենայի օգտագործման գործակիցը:

Տակառ-կափարիչների ցեխում անկանոն աշխատելու պատճառով օգտագործումից հանված էր կափարիչներ արտադրող շտամպներից մեկը: Ցեխի վարպետ Զիդյանի և երիտասարդ փականագործ Յու. Վարպետյանի առաջարկությամբ մեքենան վերափոխման ենթարկվեց և հատուկ սարքավորումներ հարմարեցնելու միջոցով այժմ հրաշալի աշխատում է, հերթափոխում արտադրելով 10—12 հազար կափարիչ:

Աշխատանքի արտադրողականության բարձրացման գործում խոշոր նշանակություն ունի նաև աշխատանքային ժամերի ռացիոնալ օգտագործումը: Այդ ուղղու-

թյամբ այս տարի գործարանում որոշակի աշխատանք է կատարված: Կենսագործելով Արդյունաբերության աշխատողների համամիութենական խորհրդակցության մասնակիցների կողմից առաջադրված խնդիրները, գործարանի կոլեկտիվը արտադրական բարձր ցուցանիշներով փակեց ընթացիկ տարվա առաջին կիսամյակը: Կիսամյակի պլանը կատարվեց 159 տոկոսով: Գործարանը 6 ամսվա ընթացքում, անցյալ տարվա համեմատությամբ, երկրին տվեց 2 միլիոն 900 հազար տուփ-պվելի պահածո: Այդ նշանակում է, որ յուրաքանչյուր բանվոր 9.400 ռուբլու արտադրանք ավելի է տվել, քան անցյալ տարվա նույն ժամանակամիջոցում: Այս տարվա արտադրական պլանը գերազանց կատարելու նպատակով գործարանում ծավալվում է սոցմրցությունը:

Արդեն մի քանի տարի է, ինչ մեր կոլեկտիվը մրցության մեջ է Գորիի Պահածոների գործարանի աշխատողների հետ: Ցեխերում, հերթափոխություններում բանվորներն ու բանվորուհիները պայքարում են պատվով կատարելու մրցությամբ նշանակած պարտավորությունը, 1955 թվականի արտադրական պլանը կատարել Հայաստանում սովետական կարգերի հանտատման 35-րդ տարեդարձի օրը՝ նոյեմբերի 29-ին:

ՄԻՋԱԶԳԱՅԻՆ ԹԵՄԱՆԵՐ

ԺՈՂՈՎՈՒՐԴՆԵՐԸ ԿՊԱՇՏՊԱՆԵՆ

ԽԱՂԱՂՈՒԹՅՈՒՆԸ

ՅԱ. ՄԱԿԱՐՆԿՈ

Հունիսի վերջերին Հելսինկիում (Ֆինլանդիա) կայացավ Խաղաղության Համաշխարհային Ասամբլեան:

Խաղաղության համար ժողովուրդների շարժման պատմության մեջ այդ Ասամբլեան կգրավի նշանավոր տեղ: Դեռ երբեք չէր հրավիրվել Խաղաղության և անվտանգության պրոբլեմներին նվիրված այդպիսի միջազգային ներկայացուցչական ժողով: Ասամբլեային մասնակցում էին 1.841 մարդ՝ 68 երկրներից: Բանվորների և գյուղացիների կողքին՝ խաղաղության ապահովման հարցերը քննարկում էին առևտրական և արդյունաբերական շրջանների 74 ներկայացուցիչներ, եկեղեցու 72 գործիչներ, պառլամենտների 146 դեպուտատներ, ականավոր գիտնականներ, գրողներ, արտիստներ: Ասամբլեայի ամբիոնից հանդես էին գալիս կոմունիստներ և քրիստոնյաներ, սոցիալ-դեմոկրատներ և

պացիֆիստներ, տարբեր ուղղութեան պատկանող քաղաքական և պետական գործիչներ, տարբեր փիլիսոփայական և կրօնական համոզմունքի տեր մարդիկ: Նրանց ելույթների հիմնական թեմաներն էին այնպիսի հրատապ հարցեր, ինչպիսիք են զինաթափման և ատոմային զենքի արգելման պրոբլեմը, ռազմական բռնկումները, ազգերի անվտանգութիւնը և համագործակցութիւնը, ժողովուրդների անվտանգութիւնը և խաղաղութեան պահպանումը:

Խաղաղութեան Համաշխարհային Ասամբլեան ցուցադրեց ժողովուրդների փոխըմբռնողութեան ոգի, նրանց անկաշկանդելի ձրգտումը դեպի միասնութիւն՝ պատերազմը կանխելու և խաղաղութիւնը պահպանելու հարցում: Ասամբլեայի մասնակիցները փոխադարձ հարգանքի պայմաններում արտահայտելով և համադրելով տարբեր տեսակետներ, աշխատում էին գտնել և գտնում էին բոլորի համար ընդունելի որոշումներ:

Ասամբլեայի կարևորագույն արդյունքներից մեկն այն է, որ նա երևան բերեց հրակայական հնարավորութիւններ նոր պատերազմի սպառնալիքի դեմ մղվող պայքարում բոլոր խաղաղասեր ուժերի գործողութիւնների միասնութեան հասնելու համար:

— 36 —

Բոլոր երկրների և մայրցամաքների ժողովուրդները խաղաղութիւն են ցանկանում: Միլիոնավոր մարդիկ, որոնք ընդգրկված են արդիականութեան անպարտելի ու հզոր շարժման մեջ, խաղաղութեան կողմնակիցների շարժման մեջ, հավատացած են, որ լիակատար հնարավորութիւն կա պահպանելու և ամրապնդելու խաղաղութիւնը, ամրապնդելու բարեկամութիւնը ժողովուրդների միջև: Բոլոր երկրներում էլ տարբեր համոզմունքի տեր մարդիկ ջերմորեն պաշտպանում են միջազգային լարվածութեան հետագա թուլացման ուղղութեամբ Սովետական կառավարութեան ձեռնարկած միջոցառումները: Նրանք իրենց կառավարութիւններից պահանջում են դիմել նույնպիսի վճռական քայլերի, պնդում են, որ միջազգային բոլոր վիճելի հարցերը լուծվեն բանակցութիւնների միջոցով: Պետութիւնների միջև նորմալ հարաբերութիւններ հաստատելու համար Սովետական Միութեան անշեղ պայքարը հսկայական ազդեցութիւն է գործում միջազգային ամբողջ իրադրութեան վրա:

Խաղաղութեան Համաշխարհային Ասամբլեայի մասնակիցները նշեցին այն հիմնական ուղիները, որոնցով պետք է ծավալվի խաղաղասեր ուժերի հետագա պայքարը մի-

ջազգային լարվածությունը թուլացնելու, բոլոր ժողովուրդների անվտանգությունն ապահովելու համար, կայուն և տևական խաղաղության համար: Ասամբլեան ամբողջ երկրագնդի միլիոնավոր մարդկանց սրտերին վրաստահություն ներշնչեց, որ միջազգային արդի պայմաններում էլ, չնայած լուրջ տարածայնությունների առկայությանը, հնարավոր է համաձայնեցված որոշումների հասնել հասունացած կարևորագույն պրոբլեմների լուծման գործում: Այդ է Հելսինկիում կայացած Ասամբլեայի միջազգային մեծ նշանակությունը:

Մարդկության բոլոր խաղաղասեր ուժերի կամքը իր արտահայտությունը գտավ խաղաղության Համաշխարհային Ասամբլեայի ընդունած Դիմումի մեջ: Հսկայական համողիչ ուժ ունեցող այդ փաստաթուղթը, անշուշտ, դրոշ կհանդիսանա ամբողջ աշխարհի բարի կամքի մարդկանց համար:

Ասամբլեայի դելեգատները և ստեղծված հանձնաժողովները հանձնարարականներ մըշակեցին խաղաղության և միջազգային անվտանգության համար մղվող պայքարի կենսական հարցերի վերաբերյալ և ամենից առաջ զինաթափման ու ատոմային զենքի արգելման հարցերի վերաբերյալ: Բոլորին

— 38 —

հայտնի է, որ այդ կարևորագույն հարցերի լուծումը համառ դիմադրության է հանդիպում «ուժի դիրքերից» ելնող քաղաքականության կողմնակիցների կողմից: Ասամբլեայի մասնակիցները մանրամասնությամբ և հանգամանորեն քննության առան այն սկզբունքները, որոնց կենսագործումը կարող է հանգեցնել սպառազինությունների ընդհանուր կրճատման և ատոմային զենքի արգելման: Ընդամին՝ մեծ ուշադրություն դարձվեց Սովետական կառավարության պարզ ու կոնկրետ առաջարկներին: Ասամբլեայի դելեգատները միահամուռ կերպով հանգեցին այն հետևության, որ ինչպես միջուկային զենքի, այնպես էլ մասսայական ոչնչացման զենքի բոլոր մյուս տեսակների գործադրման և արտադրման արգելումն անհրաժեշտ քայլ է հանդիսանում մարդկությանը սպառազինությունների բռնից ազատելու ճանապարհին:

Ասամբլեայի շատ մասնակիցների ելույթներում նշվում էր, որ միջուկային զենքի ոչընչացումը պետք է դառնա զինաթափման ընդհանուր պլանի մի բաղկացուցիչ մասը: Անգլիական հայտնի գիտնական, պրոֆեսոր Զոն Բեռնալն այդ կապակցությամբ ընդգծեց սպառազինությունների կրճատման, ատոմային զենքի արգելման և նոր պատերազմի

սպառնալիքի վերացման հարցերի վերաբեր-
յալ Սովետական կառավարության արած ա-
ռաջարկների առանձնահատուկ կարևորու-
թյունը:

Ասամբլեայի դեկգատների, դիտորդների և
հյուրերի կողմից միահամուռ հավանության
արժանացավ այն առաջարկը, որ հրավիրվի
սպառազինությունների կրճատման և ատո-
մային զենքի արգելման կոնֆերանս՝ ՄԱԿ-
ի ինչպես անդամ, այնպես էլ ոչ անդամ բո-
լոր երկրների կառավարությունների մաս-
նակցությամբ:

Ասամբլեայում մեծ ուշադրություն նվիր-
վեց ատոմային էներգիան խաղաղ նպա-
տակներով օգտագործելու պրոբլեմների
քննարկմանը: Զինաթափման և ատոմային
զենքի հանձնաժողովի հանձնարարականնե-
րում այդ հարցի առթիվ նշված է.

«Էֆեկտիվ զինաթափությունը և ատոմա-
յին պատերազմի վտանգի վերացումը բա-
ցում են հսկայական հնարավորություններ,
որոնք կարող են օգտագործվել մարդկության
բարօրության համար»:

Ասամբլեայի մասնակիցները վճռակա-
նորեն դատապարտեցին «ուժի դիրքերից»
ելնող քաղաքականության կիրառումը մի-
ջազգային հարաբերություններում, սպա-

— 40 —

ռազինությունների մրցավազքը և ներփակ
ռազմական բլոկների գոյությունը, որոնք
ուղղված են ուրիշ երկրների անվտանգու-
թյան դեմ: Դրա հետ միասին խաղաղության
Համաշխարհային Ասամբլեայի Դեկգատ-
ները միահամուռ կերպով պաշտպանեցին
Ասիայի և Աֆրիկայի երկրների բանդունգ-
յան կոնֆերանսի ընդունած սկզբունքները:
Դեկգատները իրենց ելույթներում նշում
էին, որ նման կոնֆերանսների հրավիրումը,
որոնց մասնակցեցին զանազան աշխարհա-
մասերի երկրները, կարող է հանգեցնել մի-
ջազգային լարվածության թուլացմանը: Ե-
լույթներում ընդգծվում էր, որ նման ճանա-
պարհով լիովին հնարավոր է համաձայնու-
թյուն ձեռք բերել նաև եվրոպական անհե-
տաձգելի հարցերում:

Ժողովուրդները հսկայական հույսեր են
տածում շորս մեծ տերությունների ղեկա-
վարների առաջիկա հանդիպման նկատ-
մամբ: Խաղաղության Համաշխարհային
Ասամբլեայի Դիմումում ընդգծվում է, որ
այն հարցերի թվին, որոնց լուծումը քարի
կամքի դրսևորում է պահանջում մեծ տերու-
թյունների կողմից, պատկանում է եվրոպա-
կան բոլոր պետությունների անվտանգու-
թյան և տնտեսական ու կուլտուրական

— 41 —

սերտ համագործակցության ապահովումը։ Դա կլինի առաջին ևստապը այնպիսի Եվրոպայի ստեղծման գործում, որտեղ ապահովված կլինի եվրոպական բոլոր երկրների անվտանգությունը։ Այդ խնդրի լուծումը կապված է ռազմական բլոկների ու խմբավորումների շհարող միասնական, դեմոկրատական, խաղաղասեր Գերմանիա ստեղծելու հետ։ Ասամբլեան պահանջեց շորս մեծ տերությունների դեկավարների խորհրդակցությունից՝ դնել եվրոպական անվտանգության ֆունդամենտը։ Նա այդ խնդրի կատարման համար անհրաժեշտ է համարում իրագործել մի շարք անհետաձգելի միջոցառումներ. առաջարկեց սահմանափակել ռստիկանական ուժերը և զինված վոնտիգենտները ինչպես Գերմանական Ֆեդերալ Ռեսպուբլիկայում, այնպես էլ Գերմանական Դեմոկրատական Ռեսպուբլիկայում։ Գերմանիայի միավորման ճանապարհին՝ որպես առաջին քայլ, նորմալ փոխհարաբերություններ հաստատել գերմանական երկու ռեսպուբլիկաների միջև։

Ասամբլեան խաղաղասեր ուժերի առաջ դրեց մի անհետաձգելի խնդիր՝ պայքարել Եվրոպան ռազմական բլոկների պառակտելու դեմ, փոխըմբռնողության հասնել բո-

— 42 —

լոր պետությունների միջև՝ անկախ նրանց ռեժիմներից, պայքարել Գերմանիայի այնպիսի միավորման համար, որը բացառեր գերմանական միլիտարիզմի վերածնման հնարավորությունը և Գերմանիայի մասնակցությունը որևէ ռազմական դաշինքի։ Խաղաղության և միջազգային համագործակցության շահերը պահանջում են ստեղծել կոլեկտիվ անվտանգության եվրոպական ամուր սիստեմ, որին մասնակցեին բոլոր եվրոպական երկրները։

«Ռազմական բլոկներ և անվտանգություն» հանձնաժողովի հանձնարարականներում առաջադրվում է այն պահանջը, որ բոլոր պետությունները համաձայնեն դեկավարվելու փոխադարձ հարգանքի, տերիտորիալ ամբողջականության և սուվերենության, շհարձակվելու, ներքին գործերին շմիջամտելու, հավասարության և փոխադարձ շահավետության և խաղաղ գոյակցության սկզբունքներով։ Այդ սկզբունքներն են կազմում Միավորված Ազգերի Կանոնադրության ևությունը։

«Խաղաղությունը և միջազգային անվտանգությունը, — ասված է հանձնարարականներում, — կարող են պահպանվել միայն այն դեպքում, եթե հինգ մեծ տերությունները, ո-

— 43 —

րոնք կրում են դրա գլխավոր պատասխանատվությունը, ձգտեն հասնելու անհրաժեշտ համագործակցության և համերաշխության, ոգեշնչվելով այն սկզբունքներով, որով ղեկավարվում էին նրանք Միավորված Ազգերի Կազմակերպությունը հիմնելին»:

Ասամբլեան ընդգծեց, որ բեղմնավոր համագործակցությունը ժողովուրդների միջև կոչված է հաստատել և ամեն կերպ պահպանել Միավորված Ազգերի Կազմակերպությունը: ՄԱԿ-ին ուղղված իր տխմումում հաղաղության Համաշխարհային Ասամբլեան ընդգծեց, որ Միավորված Ազգերի Կազմակերպությունը պետք է հավատարիմ լինի իր Կանոնադրությանը և հինգ մեծ տերությունների միաձայնության սկզբունքին, լինի իսկական համայնապարփակ Կազմակերպություն: Այդ Կապակցությամբ Չինական Ժողովրդական Ռեսպուբլիկային պետք է վերադարձվի իրավամբ նրան պատկանող տեղը ՄԱԿ-ում:

Ասամբլեայում լայնորեն քննարկվեց Ասիայի պրոբլեմը: Ասամբլեան պահանջեց խստորեն պահպանել ժողովուրդների սուվերենիտետը, Ասիայից դուրս բերել բոլոր օտարերկրյա զորքերը և ոչնչացնել այնտեղ եղած բոլոր օտարերկրյա բազաները: Քանի

— 44 —

որ Տայվան կղզին Չինական Ժողովրդական Ռեսպուբլիկայի մի բաղկացուցիչ մասն է, ապա կղզում գտնվող բոլոր զորքերի անհապաղ դուրս բերումը միայն կարող է խաղաղության երաշխիք լինել երկրագնդի այդ շրջանում: Ասամբլեան շեշտեց, որ անհրաժեշտ է խստորեն պահպանել Կորեայում կնքված զինադադարի պայմանները: Ամենակարճ ժամանակամիջոցում պետք է հրավիրել շահագրգռված երկրների միջազգային կոնֆերանս՝ Կորեական հարցը խաղաղ կերպով կարգավորելու և Կորեան որպես դեմոկրատական, անկախ պետություն միավորելու համար: Ասամբլեան պնդում է, որ պեսզի խստիվ պահպանվեն ժնեյան համաձայնագրերը և որպեսզի ընդհանուր ազատ շնորություններ անցկացվեն Վյետնամում, Լաոսում և Կամբոջայում:

Ասամբլեան բոլոր շահագրգռված երկրներին կոչ արեց հրաժարվել բռնության ամեն տեսակ փորձերից և բոլոր վիճելի հարցերը լուծել բանակցությունների միջոցով: Համոզված լինելով այն բանում, ինչպես նշվում է ազգային սուվերենիտետի և խաղաղության հանձնաժողովի հանձնարարականներում, որ միայն հասարակական կարծիքի ներգործությունը կարող է ապահովել

— 45 —

միջազգային բոլոր պրոբլեմների խաղաղ
կարգավորումը, խաղաղության Համաշխարհային
Ասամբլեան հայտարարեց, որ ազգե-
րի, աշխարհայացքի, կրոնի, սոցիալական
դասակարգերի կամ կազմակերպություննե-
րի տարբերությունը չի կարող խոչընդոտ
հանդիսանալ ազատորեն համագործակցե-
լու հանուն խաղաղության:

Ասամբլեան բոլոր երկրների պառլամենտ-
ներին և կառավարություններին խորհուրդ
տվեց կրճատել սպառազինություններն ու
զինված ուժերը և դրա շնորհիվ ազատվող
միջոցներն օգտագործել խաղաղ արդյունա-
բերության ու գյուղատնտեսության դար-
գացման համար, ժողովրդի կենսամա-
կարդակի բարձրացման համար, թույլ դար-
գացած երկրներին անհրաժեշտ օգնություն
ցույց տալու համար:

Ասամբլեայում ընդհանուր պաշտպանու-
թյան արժանացավ միջազգային տնտեսա-
կան հարաբերություններում ամեն մի
խտրականություն և անհավասարություն վե-
րացնելու պահանջը: Տնտեսական և սոցիա-
լական պրոբլեմների հանձնաժողովի հանձ-
նարարականներում ընդգծվում է բոլոր եր-
կրների միջև տնտեսական և առևտրական
կապերը զարգացնելու անհրաժեշտությունը:


— 46 —

Խաղաղության Համաշխարհային Ասամբ-
լեան իր աշխատանքում մեծ ուշադրու-
թյուն դարձրեց նաև ժողովուրդների կուլ-
տուրական համագործակցությանը: Կուլտու-
րայի փոխանակության հանձնաժողովը ըն-
դունեց ընդհանուր 'Իեկլարացիայի տեքստը,
որի մեջ կոչ է անում մտավոր աշխատանքի
բոլոր աշխատողներին, կուլտուրայի և ար-
վեստի աշխատողներին՝ հանդես գալ իրենց
ժողովուրդների հետ համատեղ, իրենց
գործունեությամբ նպաստել ամբողջ աշ-
խարհում բմբռնողության և համաձայնու-
թյան մթնոլորտ ստեղծելուն:

Հելսինկիում կայացած Խաղաղության
Համաշխարհային Ասամբլեան խաղաղու-
թյան հզոր ու անպարտելի ուժերի ստուգա-
տեսն էր: Նա ամբողջ մարդկությանը ցույց
տվեց, որ խաղաղության շարժումը դարձել
է մասսայական մի մեծ շարժում, որին գնա-
լով ավելի շատ են հարում տարբեր աշխար-
հահայացք ունեցող և տարբեր հասարակա-
կան հոսանքների պատկանող մարդիկ:

Ասամբլեան դրա հետ միասին ցույց տվեց,
թե մեր ժամանակներում ինչպիսի մեծա-
զույն ուժ է իրենից ներկայացնում համաշ-
խարհային հասարակական կարծիքը:

Այդ կարծիքի հետ չեն կարող հաշվի



չնստել, չեն կարող այն անտես առնել կա-
ռավարութիւններն ու պետութիւնները:
Այժմ ժողովուրդները շունեն ավելի ուժեղ,
ավելի հզոր ձգտում, քան խաղաղության
ձգտումը, ամուր բարեկամական կապեր
հաստատելու ձգտումը, փոխադարձ հավա-
տի ու համագործակցության ձգտումը: Դա
գրավական է այն բանի, որ ժողովուրդները,
ոգեշնչված խաղաղության պահպանման ու
ամրապնդման մեծ գաղափարով, կգործա-
դրեն իրենց բոլոր ջանքերը՝ Ասամբլեայի ու
որոշումները հաջողութեամբ կենսագործելու
համար:

Ժողովուրդները կպաշտպանեն խաղաղու-
թյան գործը:

СОДЕРЖАНИЕ

МАТЕРИАЛЫ ДЛЯ БЕСЕД

Стр.

Уборка урожая—всенародное дело	1
Х. Овакимян.—Беседа о советском патри- тизме	6

ИЗ ОПЫТА ПЕРЕДОВИКОВ

Учимся у передовиков.—Рассказ доярки кол- хоза села Вагашен Мартунинского райо- на, депутата Верховного Совета Армян- ской ССР Б. Акопян	16
Как я обеспечиваю бесперебойную работу комбайна. — Рассказ комбайнера МТС Шаумянского района М. Багдасаряна	23
Х. Мартиросян.—По пути повышения произ- водства.	28

МЕЖДУНАРОДНЫЕ ТЕМЫ

Я. Макаренко.—Народы отстают мир	35
--------------------------------------------	----

Отдел Пропанды и агитации
ЦК КП Армении
БЛОКНОТ АГИТАТОРА

№ 14

1955 г.

ՎՅ 11089

Պատվեր 641

Տիրաժ 8760

ՀՍՍՌ Կուլտ. մինիստրության հրատարակչությունների
և պոլիգրաֆ արդյունաբերության գլխավոր վարչու-
թյան № 2 տպարան, Երևան, Կոունյանցի № 8,
1955 թ., գինը 50 կոպ.: